

13. nóvember 2012

Alþingi
Erindi nr. P 141/475
komudagur 13.11.2012

Ágæti viðtakandi.

Bændasamtök Íslands vísa í fyrri umsagnir sínar um sambærileg þingmál.

<http://www.althingi.is/pdf/umsogn.php4?lthing=138&mainr=532&dbnr=2866&nefnd=a>

<http://www.althingi.is/pdf/umsogn.php4?lthing=139&mainr=532&dbnr=1966&nefnd=a>

Með kveðju;
Elías Blöndal Guðjónsson
Lögfræðingur / Lawyer
Félagssvið / Social Department
Sími / Tel: + 354 563 0387
Gsm / Mobile: + 354 692 3554
Netfang / Email: elias@bondi.is

 BÆNDASAMTÖK
ÍSLANDS

Farmers Association of Iceland
www.bondi.is | www.bbl.is

[Skilmálar / Disclaimer](#)

BÆNDASAMTÖK ÍSLANDS

Alþingi

Erindi nr. p 138/2866

komudagur 25.6.2010



Nefndarsvið Alþingis
Allsherjarnefnd,
Kristjana Benediktsdóttir
Austurstræti 8-10
150 REYKJAVÍK

AFRIT

Reykjavík, 21. júní 2010
EBG/hó

Efni. Umsögn um frumvarp til laga um breytingu á lögum nr. 34/1944, um þjóðfána Íslendinga og ríkisskjaldaðarmerkið, með stöðri breytingum á 138. löggjafarþingi, þskj. 921 – 532. mál

Tilv. 2010060018

Frumvarpið barst Bændasamtökum Íslands til umsagnar með bréfi frá nefndarsviði Alþingis, dags. 8. júní 2010.

Bændasamtök Íslands fagna framlagningu ofangreinds frumvarps enda hafa samtökin í áraræðir beitt sér fyrir því, í samræmi við ályktanir Búnaðarþings, að fá almenna heimild til notkun þjóðfánans við markaðssetningu búvara.

Þó vilja samtökin benda á að þau telja ekki ljóst samkvæmt núgildandi lögum og ofangreindu frumvarpi til breytinga á þeim, hver skuli hafa eftirlit með óleyfilegri notkun þjóðfánans á söluvarning, umbúðir eða í auglýsingu vöru og þjónustu. Bændasamtök Íslands vilja þannig leggja áherslu á mikilvægi þess að nánari ákvæði um skilyrði fyrir notkun þjóðfánans með þessum hætti, verði sett með reglugerð.

Virðingarfyllst
f.h. Bændasamtaka Íslands


Elías Blöndal Guðjónsson
lögfræðingur

BÆNDASAMTÖK ÍSLANDS

Alþingi

Erindi nr. Þ 139/1966

komudagur 6.4.2011



Alþingi
Sigrún Helga Sigurjónsdóttir

Austurstræti 8-10
150 REYKJAVÍK

AFRIT

Reykjavík, 5. apríl 2011

Efni. Frumvarp til laga um þjóðfána Íslendinga og ríkisskjaldarmerkið (notkun þjóðfánans til markaðssetningar á íslenskri framleiðslu) á 139. löggjafarþingi, þskj. 869 - 532. mál.

Tilv. 2011040002

Frumvarpið barst Bændasamtökum Íslands með tölvubréfi frá nefndasviði Alþingis, dags. 4. apríl 2011.

Bændasamtökin vísa í umsögn sína um þskj. 921 - 532. mál á 138. löggjafarþingi, dags. 21. júní 2010.

Virðingarfyllst
f.h. Bændasamtaka Íslands

Elías Blöndal Guðjónsson

Alþingi
Erindi nr. P 141/314
komudagur 2.11.2012



ÍSLANDSSTOFA
PROMOTE ICELAND

Stjórnskipunar- og eftirlitsnefnd Alþingis
Bt. Sigrúnar Helgu Sigurjónsdóttur
Alþingi
150 Reykjavík

Reykjavík 1. nóvember 2012

Umsögn um frumvarp til laga um breytingu á lögum um þjóðfána Íslendinga og ríkisskjalдарmerkið, nr. 34/1944, með síðari breytingum.

Íslandsstofa hefur fengið ofangreint frumvarp til umsagnar og vill koma á framfæri eftirfarandi.

Umsögnin snýr alfarið að annarri grein frumvarpsins sem löngu er tímabært að endurskoða. Íslandsstofa fagnar þessum tillögum og telur að þær geti verið góð viðbót við það starf sem þegar er unnið við markaðssetningu íslenskra vara og þjónustu. Með þeim tillögum sem í frumvarpinu koma fram væri sérstaða íslenskra vara betur auðkennd og auðveldara ætti að vera að koma þeim á framfæri.

Íslandsstofa mynd gjarna leggja til aðstoð við setningu reglugerðar þeirrar sem greinin leggur til að sett verð.

Núgildandi reglur hafa sýnt sig að vera ekki í samræmi við þarfir íslenskra fyrirtækja og hefur Íslandsstofa þurft að beita sér m.a. nýverið til að fá notkun fánans heimilaða á erlend samstarfsverkefni.

Íslandsstofa lýsir sig því samþykka frumvarpinu og hvetur til jákvæðrar afgreiðslu þess.

Virðingarfyllst

Jón Ásbergsson
framkvæmdastjóri.



Nefndasvið Alþingis

Reykjavík, 7. nóvember 2012

Varðar: Frumvarp til laga um breytingu á lögum um þjóðfána Íslendinga og ríkisskjaldarmerkið, nr. 34/1944

Íþrótta- og Ólympíusamband Íslands fagnar framkomnu frumvarpi og er því fylgjandi að lög um þjóðfána Íslendinga verði rýmkuð.

Íþrótta- og Ólympíusamband Íslands vill þó árétta nauðsyn þess að virðing við þjóðfána Íslendinga verði ekki skert, hvorki í orði né verki.

Virðingarfyllst,
ÍÞRÓTTA- OG ÓLYMPÍUSAMBAND ÍSLANDS

Halla Kjartansdóttir
skrifstofustjóri



Alþingi
Nefndasvið
Austurstræti 8-10

150 Reykjavík

Reykjavík, 2. nóvember 2012

Efni: Umsögn um frumvarp til laga um Þjóðfána Íslendinga og ríkisskjaldamerkið, rýmri fánatími og notkun fánans í markaðssetningu, 39. mál.

Samtök atvinnulífsins telja jákvæða þá breytingu sem í frumvarpinu felst sem er að ekki þurfi sérstaka heimild forsætisráðuneytis til notkunar íslenska fánans í vörumerki eða á söluvarning, umbúðir um eða auglýsingu á vöru eða þjónustu, enda sé vara eða starfsemi sú sem í hlut á íslensk að uppruna og fánanum ekki óvirðing gerð.

Samtökin mæla því með samþykkt frumvarpsins.

Virðingarfyllst,

Vilhjálmur Egilsson



Alþingi
Erindi nr. P 141/425
komudagur 8.11.2012

Nefndasvið Alþingis
Stjórnskipunar- og eftirlitsnefnd
Austurstræti 8-10
150 Reykjavík

Reykjavík 4. nóvember 2012

Efni: Frumvarp um þjóðfána Íslendinga og ríkisskjaldamerki

Samtök ferðaþjónustunnar eru samþykkt báðum þeim breytingum sem kveðið er á um í ofangreindu frumvarpi s.s. að leyft verði að flagga allan sólarhringinn yfir björtustu sumarmánuðina svo og að rýmka reglur um notkun fánans við markaðssetningu á íslenskum vörum og þjónustu.

Virðingarfyllst
f.h. Samtaka ferðaþjónustunnar

Erna Hauksdóttir
framkvæmdastjóri




Nefndasvið Alþingis
Austurstræti 8 - 10
150 Reykjavík

Reykjavík, 8. nóvember 2012

Efni: Umsögn um frumvarp til laga um þjóðfána Íslendinga og ríkiskjaldamerkið (rýmri fánatími og notkun fánans í markaðssetningu), 39. mál

SI gera engar athugasemdir við frumvarpið. Hins vegar fara Samtökin þess á leit að samráð verði haft við þau við gerð reglugerðar um nánari skilyrði fyrir notkun þjóðfánans.

SAMTÖK IÐNAÐARINS



Sigurður B. Halldórsson, hrl.

Nefndasvið Alþingis
Austurstræti 8-10
150 Reykjavík

Alþingi
Erindi nr. P 141/284
komudagur 31.10.2012

1.nóvember 2012

Efni: Umsögn um 39.mál 141.löggjafarþings, Frumvarp til laga um breytingu á lögum um þjóðfána Íslendinga og ríkisskjaldarmerkið.

Þetta frumvarp er löngu tímabært og það er mikilvægt fyrir þjóðina að Alþingi afgreiði það óbreytt eða sem næst því. Aukin notkun þjóðfánans er ekki aðeins æskileg til þess að fólk horfi með reisn og virðingu til þessa einstaka auðkennis þjóðar vorrar og ríkis, heldur einnig og ekki síður vegna stórauðinnar heimsóknar útlanda ferðalanga til landsins. Síðastnefnda staðhæfingin kann að vekja spurningar í hugum lesenda og því er rétt að fara strax um hana nokkrum orðum.

Íslendingum hættir til að vanmeta ytri tákn og birtingarmyndir þjóða, en þjóðfánar eru e.t.v. skýrust þeirra. Asískir ferðamenn hafa í mín eyru sagt að þeir haldi að Ísland sé hluti af Danmörku. Af hverju skyldi þetta nú vera? Jú, - þegar þeir koma hingað (oft frá Danmörku þar sem þjóðfáninn, Dannebrog, er alls staðar sýnilegur) þá sjást hér yfirleitt ekki fánar. Hins vegar er skjaldarmerki dansks konungs á þinghúsinu og stytta af dönskum kóngi við skrifstofu forsætisráðherra. Ísland er auk þess í hafinu á milli Grænlands og Færeyja sem bæði eru í ríkjasambandi við Danmörku og því er niðurstaða ferðamanna sú að Ísland sé það einnig (orðið króna hjálpar auk þess til að valda þessum misskilningi). Sjálfum finnst mér ömurlegt að koma í sendiráð Íslands í Kaupmannahöfn þar sem danski fáninn blaktir hjá íslenska, færeyska og grænlenska fánunum og er öllu meira áberandi. Það þýðir ekkert að afgreiða svona misskilning gesta okkar með því að fólk sé illa lesið. Ytri tákn sem blasa við er það sem fólk leitar að og tekur mark á, en ekki skrifaður texti. Þess vegna er svo mikilvægt að auka notkun fánans og að fólk verði frjálst að þvi að nota hann sem fána eða merki á varning eftir settum reglum. Bráðabirgðaákvæðið í frumvarpinu um kynningarátak til að auka notkun þjóðfánans er einnig mikilvægt og er mælt með að það verði áréttað um leið og opinberar stofnanir verði áminntar um að þeim ber samkvæmt lögum að flagga á opinberum fánadögum.

Eins og fram kom þegar mælt var fyrir frumvarpinu í þinginu þá er breiður stuðningur margra félaga og samtaka fyrir því að frumvarpið nái fram að ganga. Að sjálfsögðu vonumst við öll til að frumvarpið hljóti samþykki sem fyrst þannig að eftir veturinn verði annar bragur á bæ og borg þegar við sjálf og útlendir ferðalangar fögnum birtu og batnandi hag.

Sigurður Jónsson
Kvistabergi 13
221 Hafnarfjörður

Sigurður Óskar Óskarsson
20 nóvember 2012

141. löggjafarþing 2012–2013.
Þingskjal 39 — 39. mál.

Frumvarp til laga

breytingu á lögum um þjóðfána Íslendinga og ríkisskjaldarmerkið, nr. 34/1944,
með síðari breytingum (rýmri fánatími og notkun fánans í markaðssetningu).

Flm.: Siv Friðleifsdóttir, Lúðvík Geirsson,
Árni Johnsen, Álfheiður Ingadóttir.

Í þessu frumvarpi er heimild að hægt sé að nota þjóðfána væntalega eins og hann er þegar maður sér á hún,

Hættan er sú að fólk fer að hætt að bera virðingu fyrir þjóðfánau og stlík má ekki gerast ef þjóð hefur á þá hætt að missa virðingu við eitthvað sem heldur þeim sama, svo sem þingið, skjaldamerkið og fánin.

En mig lángrar að benda á þá tilgögu sem garðyrkjubændur sem nota fánaröðina með lefi forseta íslands tek ég mun betri leit til þess að lefa í herskonar tilgang sem við selja, kynna vöru sína sem er og á íslandi. Þá erum við að fara nokkuð góða leið til þess að tappa ekki virðingu sem althingi má ekki við.

Virðingarvilst
Sigurður Óskarsson
Rafeindavirki.